

# Vertigo Rock, maiatzak 23

**Vertigo Rock jaialdiak 3 urte beteko ditu aurten eta talde indartsuak jarriko ditu eszenatokian: Hamlet eta Censurados (2. aldiz eta eurek eskatuta), eta horiekin batera Damu Dot mallabitarrak eta Eskarmiento ermuarrak.**

**I**azko aurrekontu berdina duen arren, jaialdiak berritasunak dakartza: “Aurten plazako kontzertuez gain, herriko kale ezberdinetan joko dute No Konformek (Madril), Vuelkok (Bilbo) eta Lord Witchek (Bergara) arratsaldean, 17:00etatik 20:00ak arte”. Talde horiek Komentukua eta Zubiaurren joko dute “tabernek ere laguntzen digutelako eta kontzertua eurei hurbiltzeko modu bat delako”.

Horretaz gain, iaz beazala, graffiti erakusketa eta argazki lehiaketa egingo dira egunean zehar, antolatzaileen nahia, egun osoko jaialdia egitea delako. “Katxeak gorantz doaz eta guztiak gehiago balio du; eskerrak iaz dirua ateratu genuela barran, horrekin osatu ahal izan dugulako aurtengo aurrekontua. Talde batzuek gainera, eskuzabal jokatu, ko-bratu gabe etorriko dira eta beste batzuek euren katxeak erdira bajatu dituzte”.

Aurten lagun gutxiago

daude antolaketa lanetan, 18 lagun, “baina gaude-nok, benetan inplikatur gaude eta hori eskertzekoa da -diote-. Etorri diren talde denek ondo hitz egingen dute jaialdiari buruz, baina horrek lana eskatzen du: taldeekin pertsona bat egon behar da beti, entseatu, afaldu eta jotzeko ordutegiak errespetatu behar dira... Guk horrelako gauzei arreta handia jartzen diegu, guk geuk ere taldeetan jotzen dugulako, edo talderen batekin lotura dugulako, eta bada-kigu taldeek zeintzuk behar dituzten”.

## Iazko balorazloa

“Arratsaldeko 19:00etan jaialdia bertan behera gertatzeko zorian egon zen euria zela eta. Baina bat-batean eguzkia agertu zen eta dena martxan jarri zen berriro. Gainera, bost urte eta gero Storbaisen itzulerari bizi genuen Vertigo Rocken eta jende piloa etorri zen hori ikustera”.

Lehengo urtearekin alderatuta, eboluzio nabarmena egon zen antolatzaile-

Anestesia 2008ko Vertigo Rocken.



entzat: “2007an, 150 edo 200 pertsona inguru egon zen kontzertu bakoitzean eta iaz, Storbais eta Anestesiarekin batez ere, 1.000 pertsona inguru bilduko ziren plazan. Aurten 2.000 pertsona egotea da gure erronka, nahiz eta 1.000kin ere pozik egongo ginatekeen”.

Euren asmoa “Ermua ezagutzera ematea da, gaur egun ikusten den modutik desberdin eta, batez ere, herriko taldeei aukera ematea. Arrazoi hori dela eta, Ermuko talde bik beti jotzen dute Vertigo Rocken, bestela inoiz ez

luketeelako izango hainbeste jenderen aurrean eta hain talde ezagunekin jotzeko aukerarik. Promozionatzeko modua ere bada, egungo egoera ikusita, kontzertuak direlako taldeen diru-sarrera bakarra, diskoa saltzea ia ezinezkoa delako”.

Taldeen promozioaz gain, musika zirkuituetan Vertigo Rock ezaguna izatea nahi dute eta oso bide onetik doala diote antolatzaileek: “Azken urtean email-erasoa izan dugu eta 20 edo 30 talderen make-tak ditugu etxean”.

Dorleta Vidal


## OUTUMURO KAFETEGIA

- Kafe bereziak
- Aukera handia **TE** eta **INFUSIOETAN**
- Tarta bereziak

• Astelehenetik ostiralera 9etan  
zabaltzen dugu

## Infreñu Taberna

Kardenal Orbe plaza  
943 174584  
[www.infretaberna.com](http://www.infretaberna.com)



## Hamlet

**- 'La puta y el diablo' zuen azken disko da. Zelan definituko zenukete?**

Diskoa indartsua eta agresiboa da, garapen eta aldaketa askorekin. Orain arte, gehien landu dugun diskoa dela esango genuke.

**- 20 urte baino gehiago daramatzazue jotzen (1987tik). Nola laburbilduko zenukete eta zer azpimarratu?**

Gure helburu guztiak betetzen joan gara. Estudioan grabatutako 9 disko izatea ez da erraza, eta hori gure lanari esker lortu dugu: kontzertuak ematen, konformistak ez izaten, musikan ikertzen... Ahaztu gabe gure jarraitzaileek emandako laguntza. 20 urtetan gauza asko egin daitezke eta hain konplikatu den mundu honetan, alde positiboak alde negatiboek gailentzen zaizkie.

**- Zelan lortu duzue hainbeste urtetan zaudeten horretan mantentzea?**

Egiten dugunagatik benetako pasioa sentituz, ez dago besterik. Jotzen, asko entseatzen, egiten ditugun gauza guztiak hobetzen edo hobetzen ahalegintzen eta gure buruetan sinisten.

**- Zein da taldearen etorkizuna epe ertainera?**

Zuzenean jo 'La puta y el diablo' aurkezteko.

**- Ermua eta bere inguruak ezagutzen dituzue?**

Bai, inguru horietan askotan jo dugu, asko gustatzen zaigu hara joatea.

**- Vertigo Rock ezaguna zen zuentzat?**

Musika jaialdi honetan jotzen dugun lehen aldia da, eta bertako taldeek eta musikariek antolatzen dutela dakigu.

**- Musika jaialdi hau Ermuko musikari gazteek antolatzen dute eta honi esker, talde handiekin jotzeko aukera dute, zue-**



**kin esaterako. Zer deritzozeu ekimen honi?**

Ekimena benetan ona da eta pozten gara gurekin pentsatu dutelako. Guri esker eta gu baino ezagunagoak diren taldeei esker, talde berriak ezagutzera emateko balio badu, hobeto guztiontzat.

**- Metal, rock eta heavy taldeek esaterako aukera berdinak dituzte orain eta zuek gazteak zinetenean? Emaiezue aholkua.**

Lehen oso zaila zen zuzenean jotzea, ezaguna izatea... eta orain ere bai. Garai ezberdinak dira, jotzeko erraztasun gehiago dago, musikarien elkarteak, Internet... Baina kasu batzuetan, arrakasta lortzeko prisa gehiegi dago eta diskografi-koek lehen ez zuten krisi itzela dute orain. Gure aholkua: pazientzia izan, musikari moduan hobetu, disfrutatu eta ondo pasatu, umilak izan eta oinak lurrean eduki.

Vertigo Rockeko antolatzaileak

## Censurados

**- Duela hilabete batzuk 2.diskoa kaleratu zenuten, 'Suerte'. Nolako harrera izan du?**

Egia esanda, uste baino hobea. 1. diskoarekin promozio handia izan genuela bagenekien eta kontzertuetara datorren jendea topatzea oso zaila dela. 'Suerte'k ezin hobeto funtzionatu du. 1. diskoak izan zuena baino promozio gutxiagorekin askoz ere jende gehiagora heldu gara eta oso pozik gaude emaitzarekin.

**- 'El tiempo todolocura' zuen lehen diskoa izan zen. Bertan, Barrikadako 'El drogasek' eta Reincidenteseko Fernandok parte hartu zuten. Kolaborazio berezirik dago 2. lan honetan?**

Bai. Lehengoan tipo mundial horiekin egin genuen lan eta 2. ean Mareako Kutxi Madrilerla bajatu zen eta 'Sin tu

piel' moldatu zigun; plazer itzela benetan!

**- Taldekide berria duzuela entzun dugu. Zelan moldatu da? Aldaketa gogorra izan da?**

Aitorrek taldea lagatzea erabaki zuen orain dela hilabete batzuk, gai pertsonalengatik, eta Ebony Ark-eko Javi Jimenes etorri zen, bere taldea desegin zelako. Oso ona da! Zuzenean ikustea besterik ez dago. Pozozik gaude berarekin.

**- Zein da taldearen etorkizuna epe ertainera?**

Udan, gure 3. diskoa izango dena prestatuko dugu eta gabonetan kaleratuta egotea espero dugu. Hori da gure helbururik garrantzitsuenak. Bitartean, zuzenean etengabe jo!

**- Vertigo Rocken parte hartuko duzuen 2. aldia da. Jaialdiak 3 edizio izan ditu eta errepikatu duen talde bakarra zarete. 2007ko edizioarekin zapore onare-**

**kin geratu zineten?**

Oso ona eta ez da inor lausengatzearren, baina antolatzaileek eta InsoHmniOko taldekideek oso gutxi bezala tratatu gintuzten. Asko estimatzen ditugu eta lagun handiak egin gara. Urte gehiagotan errepikatzea espero dugu. Ermukoaren ostean kontzertuetan egin dugu topo eurekin.

**- Zer iritzi duzue Vertigo Rock bezalako ekimenei buruz?**

Zure herriko udaletxeak edo dena delakoak herriko lagunak euren musika zuzenean adierazteko bitartekariak ipintzea baino hobierik ez dago! Talde on

asko dago gaur egun, baina zirkuitua oso itxia da. Horrelako gauzak luxua dira; Madrilen hau ez da egiten!

Vertigo Rockeko antolatzaileak

